

आकाशवाणी

खबरां ---

1. प्रधानमंत्री नरेंद्र मोदी होरें अज्ज बेंगलुरु च आर्ट आफ लिविंग दे 45में स्थापना दिवस समारोह च हिस्सा लैता, कुदरत दे अनुकूल तालमेल बनाइयै जीन जीने पर जोर दिता।
2. तमिलनाडू च तमिलगा वेत्री कजगम पार्टी दे संस्थापक सी जोसेफ विजय होरें गी अज्ज मुखमंत्री दे ओहदे दी सगंध चकाई गई।
3. हेमंत बिसव सरमा होरें गी असम बीजेपी विधायक दल ते एनडीए विधायक दल दा नेता चुनी लैता गेआ ऐ।
4. गुरुग्राम दी इक विशेष अदालत पंजाब दे उद्योगमंत्री संजीव अरोड़ा गी ई.डी दी 7एं दिनें दी रिमांड पर भेजी दिता ऐ।
5. रूस दे राष्ट्रपति व्लादिमीर पुतिन होरें आखेआ ऐ कि यूक्रेन कन्नै लड़ाई हून खत्म होने आहली ऐ।
6. भारत दी महिला रिकर्व टीम नै तीरंदाजी विश्व कप-2026 च सुन्ने दा तगमा जित्तियै इतिहास रची दिता ऐ।

<><><><><><>

PM-Art of Living

प्रधानमंत्री नरेंद्र मोदी होरें अज्ज बेंगलुरु च आर्ट आफ लिविंग दे 45में स्थापना दिवस समारोह च हिस्सा लैता। इस मौके आर्ट आफ लिविंग इंटरनेशनल सेंटर च इक नमें ध्यान मंदर दा उद्घाटन कीता। मोदी होरें आर्ट आफ लिविंग परिवार दी स्वयंसेवा आहली भावना दी सराहना कीती ते एहदे लेई श्री

री रविशंकर होरें गी बधाई दिती। उनें सनेअ च उनें जल संरक्षण, मोमी लिफाफें दी इस्तेमाल नेई करने ते कन्नोकन्नी कुदरत दे अनुकूल तालमेल बनाइयै जीन जीने दा आह्वान कीता। उनें आखेआ कि आर्ट आफ लिविंग जनेइयां संस्थां लोकें च सांझी जिम्मेदारी ते संस्कृति लेई जुडाव गी मजबूती दिंदियां न। एह कार्यक्रम गुरुदेव श्री श्री रविशंकर हुंदे 45 बरें दी सेवा कम्में दा जश्न मनाने लेई आयोजित कीता गेदा हा।

<><><><><><>

T.N-Swearing In

तमिलनाडू च तमिलगा वेत्री कजगम टीवीके पार्टी दे संस्थापक सी जोसेफ विजय होरें गी अज मुखमांत्री दे ओहदे दी सगंध दोआई गेई। राज्यपाल राजेंद्र विश्वनाथ आर्लेकर होरें उनेंगी ओहदे ते राजदारी दी सगंध चुकाई। विजय हुंदे कन्नै 9 मंत्रिएं गी सगंध चुक्की जिंदे च के.जी अरुणराज, आधव अर्जुन, एन. आनंद, सेल्वी एस कीर्ताना ते डाक्टर टी.के प्रभु बी शामिल हे। लोकसभा च बरोधी धड़े दे नेता राहुल गांधी ते तमिल फिल्म उद्योग दियां केई नामचीन हस्तियां बी इस शपथ ग्रहण समारोह च शामिल होइयां। विजय हुंदी टीवीके पार्टी गी 234 मिम्बरें आहली विधानसभा च 108 सीटां हासल होइयां न जेहदे बाद उनें 120 विधायकें दे समर्थन दा जुगाड़ करियै सरकार बनाने लेई लोड़चदी गिनतरी पूरी कीती ऐ।

<><><><><><>

PM-Vijay Greeting

प्रधानमंत्री नरेंद्र मोदी होरें सी. जोसेफ विजय होरें गी तमिलनाडू दा मुख मंत्री बनने पर ममारकबाद ते शुभकामना दित्तियां न। इक सोशल मीडिया पोस्ट च मोदी होरें आखेआ कि केंद्र सरकार तमिलनाडू सरकार कन्नै मिलियै कम्म करग ते राज्य दे लोकें दे जीवन स्तरै गी उबड़ा चुक्कने च पूरा-पूरा योगदान ते सहयोग देग।

<><><><><><>

Disanayak Vijay Greetings

श्रीलंका दे राष्ट्रपति अनुश कुमार दिसानायकें होरें टीवीके प्रमुख सी जोसेफ विजय होरेंगी तमिलनाडू दा मुखमन्त्री बनने पर ममारकबाद दिक्ती ऐ। अपने इक सोशल मीडिया पोस्ट पर उनें आखेआ कि श्रीलंका ते तमिलनाडू इतिहास संस्कृति, उद्यम ते पीढ़िएं दे अनत्रुट्ट लोक संपर्कें कन्नै जुड़े दे न। उनें आखेआ कि दौनें देशें बश्कार बेशुमार आर्थिक विकास दियां संभावनां ते मौके मजूद न।

<><><><><><>

Hanta Virus

हंता वायरस लागै करी संक्रमित जहाज स्पेन दे टेनेरिफ द्वीप पुज्जी गेआ ऐ। डेनमार्क दे झंडे आह्ला एम.वी होंडियस अज्ज स्पेन दे ग्रैनाडिला बंदरगाह पर पुज्जा। विश्व सेहत संगठन डब्ल्यूएचओ ते यूरोपी संघ आसेआ स्पेन दे यात्रिएं गी बाहर कडुने दी गजारश कीते जाने दे बाद एहू जहाज 6 मई गी टेनेरिफ लेई रवाना होआ हा। इस जहाज पर 4 मई गी हंता वायरस दे त्रै मामलें दा पता लगगा हा। 8 मई गी 3 मौतें सने कुल 8 मामलें दी तसदीक होई ही। हंता वायरस करी साह कन्नै जुड़ी दी तकलीफ मरीज गी मसूस होंदी ऐ। एहू असर गुर्दे ते नाड़िएं पर बी पोंदा ऐ। तोआई, विश्व सेहत संगठन डब्ल्यूएचओ नै एहू साफ कीता ऐ कि एहू वायरस कोरोना आंगर दा नेई ते इस करियै कुसै गी बी मता घाब्वरने दी लोड़ नेई ऐ।

<><><><><><>

WHO-Hantavirus

विश्व सेहत संगठन नै हंतावायरस संक्रमण दी शैका आहले एम.वी होंडियस कूज पर सवार सब्भनें लोकें गी 42 दिनें दी कोरेनटीन आहली निगरानी हेठ रखने लेई आखेआ ऐ। संगठन दे महामारी रोकथाम निदेशक डा. वैन केरखोव हारें आखेआ कि जिनें यात्रिएं या चालक दल दे सदस्यें च हंता वायरस दे लक्षण नेई बी ऐ, उनेंगी बी निगरानी हेठ रखने दी सलाह दिक्ती जंदी ऐ।

<><><><><><>

Bhartiya Bhasha Summer Camp

शिक्षा मंत्रालय गर्मियों की छुट्टियों में देस दे सब्भनें स्कूलें च भारती भाशा समर कैंप 2026 दा आयोजन करेगा। इक हफ्ते दा एह शिविर भारती भाशाएं च गल्लबात आस्तै बुनियादी कौशल सिकखने, अक्खरें गी जानने, अपने परिचय देने, आम जीवन च गल्लबात ते संस्कृति की सराहना पर केंद्रित होगा। एहदा मकसद राश्ट्री शिक्षा नीति तैहत समावेशी ते इक समान शिक्षा गी बढ़ावा देना ऐ।

<><><><><><>

Hemant BJP Assam

हेमंत बिस्वा सरमा होरें गी अज्ज गुवाहाटी च लग्गी की इक बैठक आम सहमति कन्नै असम बीजेपी विधायक दल ते एनडीए विधायक दल दा नेता चुनी लैता गेआ ऐ। इस चुनां दे बाद उन्दे उप्परोतली दुई बारी असम दा मुखमंत्रली बनने लेई बत्त पदरी होई गेई ऐ। ओहू 12 मई गी मुखमंत्री दे ओहदे की संगंध लैडन। अज्जै की बैठक च बीजेपी दे 8 विधायकें सरमा हुंदे ना दा प्रस्ताव रखेआ जिसी सहयोगी दलें असोम गण परिषद ते बोडोलैंड पीपल्स फ्रंट दे नेताएं दा बी समर्थन थोआ। बीजेपी दे केंद्री निगरान जे. पी नड्डा ते हरियाणा दे मुखमंत्री नायब सिंह सैनी हुंदी मौजूदगी च एहू बैठक होई।

<><><><><><>

Punjab ED PMLA Court

गुरूग्राम की विशेष अदालत पंजाब दे उद्योग मंत्री संजीव अरोड़ा की माली नियमें कायदे की लागू करने सरबन्धी निदेशालय की 7 दिन की रिमांड पर भेजी दित्ता ऐ। निदेशालय नै कल संजीव अरोड़ा की चंडीगढ़ थमां 100 करोड़ रुपें शा मते दे वस्तु ते सेवा कर दे लैन-देन च धोखाधड़ी दे मामलें च गिरफ्तार कीता हा। अरोड़ा होरें गी उंदे आवास, उंदे कन्नै जुड़ी की संस्थाएं ते Hamplon Sky

Reality Ltd. दे इक कार्यालय सने उंदे चार परिसरें दी तलाशी मगरा गिरफ्तार कीता गेआ ह।

Hamplon Sky Reality Ltd बी इस मामले च एजेंसी दी जांच दे दायरे च ऐ।

<><><><><><>

DRDO

रक्षा अनुसंधान ते विकास संगठन डी.आर.डी.ओ नै हैदराबाद च स्क्रीमजेट कम्बस्टर दा सफल परीक्षण कीता ऐ। रक्षा मंत्रालय नै दस्सेआ ऐ जे परीक्षण च इक ज्हार 200 सर्किट थमां मते दा रन टाइम हासल होआ। एहू रन टाइम इस बरे जनवरी च कीते गेदे 700 सर्किट दे परीक्षण थमां मता ऐ। इस सफल परीक्षण कन्नै भारत उन्नत एयरो स्पेस क्षमता ते लगातार उभरदी युद्ध प्रौद्योगिकिं च अगुवाह थाह पर आई गेआ ऐ। इस परीक्षण कन्नै भारत दे हाइपरसोनिक क्रूज मिसाइल विकास कार्यक्रम गी मजबूती थ्होग। मंत्रालय नै आखेआ ऐ जे कम्बस्टर गी डीआरडीओ दी रक्षा अनुसंधान ते विकास प्रयोगशाला नै उद्योग हिस्सेदारें दे सहयोग कन्नै विकसित कीता ऐ। मंत्रालय नै आखेआ ऐ जे कम्बस्टर च स्वदेशी रूप कन्नै विकसित तरल हाईड्रोकार्बन, ईंधन, उन्नत थर्मल बैरियर कोटिंग ते आधुनिक विनिर्माण तकनीकें दा इस्तेमाल कीता गेआ ऐ। रक्षा मंत्री राजनाथ सिंह होरें डीआरडीओ उद्योग हिस्सेदारें ते शिक्षाविदें दी सराहना करदे होई इस उपलब्धि गी मुल दे हाइपरसोनिक क्रूज मिसाइल कार्यक्रम आस्तै ठोस नीहू दस्सेआ ऐ।

<><><><><><>

Centre-Contractual

केंद्र सरकार नै श्रम संहिता तैहत नमें दिशा-निर्देश जारी कीते न। एह्दे च केंद्री मंत्रालयें, विभागें, खुद मुख्तेयार निकां ते केंद्री सार्वजनिक क्षेत्र दे उपक्रमै च कम्म करने आह्ले आउटसोर्स ते संविदा कर्मचारिं दी सुरक्षा गी मजबूती थ्होग। श्रम ते रोजगार मंत्रालय नै आखेआ ऐ जे इनें सुधारें दा मकसद समेंसिर तनखाह जा उजरत दा भुगतान, लाजमी सामाजिक सुरक्षा अंशदान, ठेकेदारें ते प्रमुख नियोक्तां दी मती जवाबदेई ते श्रम कनूनें दी उल्लंघना दे खलाफ मजबूत कार्रवाई दी बवस्था

यकीनी होग। इनें उपाएं कन्नै संविदा कर्मचारिएं दी तनखाह च भुगतान च चिर ते वैधानिक देय राशिएं दे भुगतान चूक घट्ट होई सकोग। निर्देश च इस गल्ला पर जोर दित्ता गेआ ऐ जे बवसायिक सुरक्षा सेहत ते कम्म करने आहली परिस्थिति संहिता 2020 दी दफा 55-3 तैहत मुख नियोक्ता आस्तै एहू यकीनी करना लाजमी होग जे ठेकेदार समेंसिर उंदा भुगतान करै। निर्देश च वेतन भुगतान आस्तै समें सीमा तय करने आहली वेतन संहिता 2019 दी दफा 17-1 दा बी जिक्र ऐ।

<><><><><><>

Putin Ukraine Conflict

रूस दे राष्ट्रपति व्लादिमीर पुतिन होरें आखेआ ऐ जे यूक्रेन कन्नै युद्ध हून समाप्ति दी बक्खी ऐ। उनें पच्छिम एशिया संघर्ष दे बी तौले समाधान दी मेद बुज्झी ऐ। उनें आखेआ जे जेकर तनाव होर बदधा ऐ ते सब्भनें पक्खें गी भारी नुकसान होग। बरे 2022 च यूक्रेन पर हमले मगरा पच्छिम देसै कन्नै पैहले सोयां गै खराब रूस दे सरबंघें च होर कौडतन आई गेई ऐ। यूरोपीय नेताएं कन्नै गल्लबात बारै पुच्छे जाने पर पुतिन होरें आखेआ जे ऐसी कुसै बी गल्लबात लेई उंदे पसंदीदा नेता न जर्मनी दे साबका चांसलर गेरहार्ड श्रोडर, पुतिन होरें एहू बी आखेआ जे स्थाई शांति समझौते गी अखीरला रूप दित्ते जाने मगरा गे ओहू यूक्रेन दे राष्ट्रपति व्लादिमीर जेलेंस्की हुंदे कन्नै मलाटी करडन।

<><><><><><>

Archery

शंघाई च आयोजित तीरंदाजी विश्व कप 2026 दी स्टेज दो च भारत दी महिला रिकर्व टीम नै इतिहास रचदे होई सुन्ने दा तगमा जित्ती लैता ऐ। दीपिका कुमारी अंकिता भक्त ते 18एं बरें दी कुमकुम मोहोद दी तिकड़ी नै फाइनल च मेजवान चीन गी 5-4 कन्नै हराइयै एहू एतिहासिक जित्त दर्ज कराई। फाइनल कोला पैहले भारती टीम नै सेमीफाइनल च दक्खन कोरिया गी 5-1 शा हराइयै मकाबले शा बाहर करी दित्ता हा। फाइनल मकाबला बड़ा दिलचस्प रेहा ते 4 स्टेटें दे बाद दवें टीमां 4-4 अंके कन्नै बरोबरी पर हियां जेदे मगरा शूट आफ च भारती टीम नै चीन गी पछाड़ लाई। भारत दी महिला रिकर्व टीम दा 2021 दे बाद एहू विश्व कप दर्जे दा एहू पैहला सुन्ने दा तगमा ऐ।

<><><><><><>

IMD

मौसम विभाग नै केरलम, माहे, लक्ष्यद्वीप, तमिलनाडू, पुदुचेरी ते कराईकल दे किश हिस्सें च अज्ज ते कल तेज बरखा दा अनुमान जाहिर कीता ऐ। छत्तीसगढ़ ते पच्छिम बंगाल दे गांगेय खेत्र दे किश इलाकें च अज्ज अंधी चलने दी मेद ऐ। विभाग मूजब अगले 2 थमां त्रै दिनें दरान उत्तरी पूर्वी भारत, अंडमान ते निकोबार द्वीप समूह, आंध्र प्रदेश, ओडिशा, पच्छिम बंगाल दे उप हिमालयी क्षेत्र ते सिक्किम दे किश हिस्सें च बिजली पौने दी मेद ऐ। अगले 2 दिन गुजरात ते पच्छमी राजस्थान च लू चलने दा बी अनुमान ऐ। पच्छमी राजस्थान दे किश इलाकें च अगले 7 दिनें तगर रातीं मौसम गर्म रेई सकदा ऐ।

<><><><><><>

LG Appointment Letter

पिच्छले 5 शा 6एं बरें दे दरान अंदरूनी सुरक्षा ते आतंकवाद-रोधी अभियानें च हासल उपलब्धिएं लेई जम्मू-कश्मीर पुलस दी सराहना करदे होई उपराज्यपाल मनोज सिन्हा होरें अज्ज आखेआ ऐ जे जम्मू-कश्मीर पुलस छडा इक सुरक्षाबल गै नेई ऐ सगुआं एहू लोके दे विश्वास ते बलिदान दा प्रतीक बी ऐ। श्रीनगर दे ज़िवान आहले थेआरबंद पुलस कम्पलैक्स च नमें भर्थी कांस्टेबलें दी अटैस्टेशन ते पासिंग आउट परेड दे कन्नै नियुक्ति पत्तर बंडुने मतल्लक समारोह दरान भाशण दिंदे होई एलजी होरें आखेआ कि जेगर ओहू पिच्छले 5एं-6एं बरें दरान हासल उपलब्धिएं दी गल्ल करन तां इस अरसे दरान आतंकवाद-रोधी अभियानें, खूफिया एजेंसिएं बश्कार तालमेल ते अंदरूनी सुरक्षा दे प्रबंधन आहले खेत्तरें च केई बड्डी कामयाबियां हासल होइयां न।

<><><><><><>

CM-Ganderbal

मुख्यमंत्री उमर अब्दुल्ला होरें अज्ज मध्य कश्मीर दे गांदरबल जिले दा दौरा लाइयै तकरीबन 40 करोड़ रपे मुल्ल दे इक विकास पैकेज गी सार्वजनिक कीता जेह्दे च महत्वकांक्षी सिंध रीवरफ्रंट परियोजना दे पैहले चरण दा नींह पत्थर रक्खेआ जाना बी शामिल ऐ। अपने दौरे दरान मुख्यमंत्री होरें जिले च सैलसफा, शैही ढांचागत विकास ते सेहत दिक्खभाल सरबंधी सेवाएं गी तगड़ा बनाने आहली केई परियोजनाएं दा उद्घाटन कीता ते विकास-बाढ़े ते सार्वजनिक कल्याण आहली केई परियोजनाएं दा निरीक्षण बी कीता। उं'दे इस दौरे दा इक बड़ा मकसद सिंध रीवरफ्रंट परियोजना दे पैहले गेड़ दा शुभारंभ हा जेह्दे'नै इलाके दी सैलसफा समर्थ च बाढ़ा जकीन बनग ते कन्नै इलाके च आधुनिक सार्वजनिक थाह बी विकसित होग।

<><><><><><>

JK UT Football Team

युवा सेवाएं ते खेड्डें सरबंधी मैहकमे दे कमिशनर सैक्रेटरी डाक्टर शाहिद इकबाल चौधरी होरें श्रीनगर दे टी.आर.सी फुटबाल मैदान थमां जम्मू-कश्मीर दी अंडर-20 फुटबाल टीम गी अज्ज रवाना करोआया जेह्डी बड़ी मती प्रतिष्ठा आहली स्वामी विवेकानंद अंडर-20 राश्ट्री फुटबाल चैंपियनशिप च हिस्सा लैग। जम्मू-कश्मीर खेड्डु काउंसल दे वरिष्ठ अधिकारी, कोच, खड्डारी ते खेड्डु प्रेमी बी इस मौके पर उत्थे मजूद हे। इस मौके पर खड्डारिएं गी संबोधित करदे होई डाक्टर शाहिद होरें टीम गी प्रतियोगिता लेई शुभकामनां दित्तिआं। उं'नें जम्मू-कश्मीर दी नुमाइंदगी करने आहले इ'नें खड्डारिएं गी गुजारश कीती जे ओहू पूरे अनुशासन, समर्पण ते खेड्डु जज्बे दे कन्नै अपना बेहतरीन प्रदर्शन करन।

<><><><><><>

CM Golf Carnival

मुख्यमंत्री उमर अब्दुल्ला होरें श्रीनगर दे रायल स्प्रिंग गोल्फ कोर्स च अज्ज इंडिया गोल्फ कार्निवल 2026 दा उद्घाटन कीता। एहदा सरिस्ता इन्वोवेटिव स्पोर्ट्स एंड लीजर आसेआ जम्मू-कश्मीर सैलसफा मैहकमे कन्नै रलियै कीता गेआ ऐ ते एहदे च मुख्य भरै दे 100 थमां मते गोल्फ खडारी हिस्सा लै करदे ना। इस मौके पर मीडिया कन्नै गल्ल करदे होई मुख्यमंत्री उमर अब्दुल्ला होरें गोल्फ दी खेडू कन्ने कश्मीर दे पराने ते ऐतिहासिक रिश्ते गी उजागर कीता। उ'नें आखेआ जे सरकार सैलसफा ते मुकामी गोल्फ खडारिएं गी बढ़ावा देने लेई राश्ट्री सतह दी केई प्रतियोगिताएं गी आयोजित करने दी योजना बना करदी ऐ तांजे कश्मीर गी राश्ट्री ते अंतरराश्ट्री सतह पर गोल्फ लेई इक प्रमुख थाहर दे तौर पर विकसित कीता जाई सकै।

<><><><><><>

High Speed Rail Corridor

जम्मू-कश्मीर च रेल संपर्क गी नमें आयाम दिंदे होई भारती रेलवे आसेआ हुन इत्थे बुलेट ट्रेन गी आहनने दिआं तैयारियां कीतीआं जा'रदिआं ना। कश्मीर लेई वंदे भारत रेल सेवा शुरु कीते जाने दे बाद रेल मंत्रालय ने हुन अमृतसर ते जम्मू बश्कार तकरीबन 240 किलोमीटर दा इक हाई-स्पीड रेल कारिडोर कायम करने लेई टेंडर आहली प्रक्रिया पर कम्म शुरु करी दिता ऐ। राश्ट्री हाई-स्पीड रेल कारपोरेशन आसेआ अमृतसर ते जम्मू बश्कार इक नमें ट्रैक लेई बड़ी तौले गै खीरी सर्वेक्षण गी शुरु कीता जाह्ग। एहू सर्वेक्षण, भलेआं अज्जै-कल्लै दी स्पक्तात् टेक्नोलाजी दे इस्तेमाल कन्नै तोढ चाढेआ जाह्ग। एहू परियोजना, इ'नें दौनें शैहें बश्कार जात्तरा दे समें च बड़ी कमी लेई आहन्ग।

<><><><><><>